

Eskom e Ntjha e Tala

HO FETOLA MATLA,
HO FETOLA AFRIKA BORWA



350Africa.org

Mona Afrika Borwa, re tseba hantle hore Eskom, mokgatlo wa rona wa naha o fanang ka phepele ya motlakase, o mathateng a maholo. Letsholo la Green New Eskom (Eskom e Ntjha e Tala) le mabapi le ho fetola Eskom ho tloha ho mokgatlo o leng morwalo o boima le ho ba mosilafatsi e moholo kontinenteng ho ba letlotlo la naha le mokgatlo o moholo wa ho tliša toka tšelaemeteng.

Bothata: Diteishene tsa matla tsa kgale hape tse sa tshepahaleng, tse silafatsang moya le tikolo tsa Eskom di ents'e hore ho be le di-*blackout* (ho tingwa ha motlakase), ke hore, di-*load-shedding* kapa yona kimollo ya motlakase. Eskom e iphumane e le ka hara tšebetse ba bobodu ba ditjhelete, bo ileng ba e kenya dikolotong, ba etsa hore ditheko tsa motlakase di nyolohe le ho feta, mme ba amoha setjhaba diketekete tse ngata haholo tsa ditjhelete.

Ha re sheba Eskom ha jwale, ho ka ba boima ho nahana hore e ka ba karolo ya tharollo ya mathata a rona ho ena le ho ba sesosa sa ona. Ho boima ho nahana ka Eskom jwalo ka ntho eo e seng bothata bo opisang hlooho, e hamang balefi ba lekgetho ditjhelete tsa bona, mme eo e leng tshoso e kgolo haholo moruong wa habo rona le tikolohong.

Tharollo: Ho a kgonahala hore re be le Eskom e betere, e tla fana ka eneji e ka kgonwang ho fihlelwa, e tshepahalang hape e hlwekileng. Eskom e tla tsamaisa dipheleho tse lokileng hore ho be le bokamoso ba eneji eo e leng ya batho hape e ka ntjhafatswang e tla neha baahi, basebetsi, dikgwebo le maAfrika Borwa ohle matla le melemo.

Eskom e fetotsweng ha se ntho feela e ka etsahalang, empa hape ke ntho ya bohlokwa haholo. Re ke ke ra kgona ho etsa bonnete ba ho ba le bokamoso bo atlehileng le bo tswellang bakeng sa Afrika Borwa ntle le ho lokisa Eskom. Ona e ka ba o mong wa mesebetsi e meholo haholo hape wa bohlokwa wa ho bopa Afrika Borwa e ntlafetseng bakeng sa bohle.

Letsholo: Letsholo la *Green New Eskom* (Eskom e Ntjha e Tala) le etsa kgweletso ya hore ho be le pheleho e nang le toka hape e potlakileng hore e be matsohong a batho, le moruo o ka ntjhafatswang o nang le matla a eneji, o fanang ka eneji e hlwekileng, e bolokehileng hape e kgonwang ho fihlelwa ke bohle, moo ho ke keng ha ba le basebetsi le baahi ba tla siuuwa morao.

Letsholo la *Green New Eskom* ke projeke ya *Climate Justice Coalition* – selekane sa Afrika Borwa sa mekgatlo ya setjhaba, mekgatlo ya baahi, mekgatlo ya basebetsi le mekgatlo ya batho. Methiriele ena e hlahiswa ke ba 350Africa.org ka tšhebedisano le selekane.

Bakeng sa ho ithuta haholwanyane ka *Green New Eskom*, le ho saena ho tšhehetsa, kena ho GreenNewEskom.org

Ka moo o ka bang le seabo ho thusa ho fihlela Green New Eskom

Bokamoso ba Eskom ke e nngwe ya dintho tseo ho phehisanwang ka tsona haholo mona Afrika Borwa. Bo hapuwe ke bao ba batlang ho ithusa ka dibilyone tsa diitjhelete ka ho tlatlapa, ho silafatsa, le ho etsa bobodu ba diitjhelete bokamosong ba enoji ya rona. Ka baka leo, ho tla hlokeha mosebetsi o moholo o etsuwang mme e seng ho bua ka mantswe feela bakeng sa ho fihlela *Green New Eskom*. Re boitsekong ba matla ka bokamoso ba naha ya habo rona, mme re tla tshwanela ho bopa mekgatlo e matla haholo e tla ntshetsa pele diphetoho tse bonahalang.

Batho ba hlahang mekgeng e fapaneng ya bophelo ba tla tshwanela ho kopana bakeng sa ho fihlela *Green New Eskom*. Re tshepa hore o tla ba le rona jwalo ka ha re batla hore ho be le *Green New Eskom*. Ke ena e nngwe ya ditsela tseo o ka bang le seabo ka yona.



Saena mme o tshehetse: Webosaeteng ya rona ya, GreenNewEskom.org, o ka saena mme o tshehetse letsholo jwalo ka motho ya mong kapa le ka tshehetsa letsholo jwalo ka mokgatlo. Ka ho etsa jwalo, o hlalisa lentsewe la hao la tshehetso, mme o ka getha ho fumana hape le ditaba tsa moraora o tjena ka letsholo.



Hasa lentsewe: Re tshwanetse ho bopa mokgatlo mme re fumane batho ba bangata ba tla tshehetsa *Green New Eskom*. Ho thusa ho hasa lentsewe, o ka abelana ka hona ho WhatsApp, mehodi ya ditaba ya setjhaba kapa emeile. Dilinki tse thusang ho hasa lentsewe di fumaneha ho GreenNewEskom.org.



Ntsha maikutlo a hao: Etsa letshwao la hao ka pene ya hao, *keyboard* ya hao, le ka mantswe a hao. Ngolla kapa o letsetse lesedinyana la motse wa heno, *blog*, le/ kapa seteishene sa radio ho bua hore ke ka baka lang re hlokang *Green New Eskom*. Ho phahamisa lentsewe la hao ho bohlokwa bakeng sa ho bopa motheo wa tshehetso le temoso ya ho fihlela bokamoso bo nang le enoji e nang le toka.



Ithute wena le ba bang: Na o batla ho tseba haholwanyane ka hore *Green New Eskom* e bolelang? Kena ho GreenNewEskom.org/learn. Moo o tla fumana di-*flier*, bukana, di-*podcast*, diathikele, le methiriele e ka ho thusang ho utlwisisa ditaba betere e be o hasa lentsewe.



Kenela Tshusumetso ya Bongata ba Batho: Re sebeletsa ho fihlela boemo bo bolokehileng ka COVID, ka ho susumetsa bongata ba batho nakong ya Loetse (Sept) 2021. Re tla amohela dihlopha tsa tshehetso le batho ho kenela, ho ruta le ho susumelletsa hona. Fumana ditaba tsa moraora o tjena ha o saena bakeng sa ho tshehetsa letsholo ho GreenNewEskom.org



Iteanye le ba etsang diqeto: Re batla bao ba etsang diqeto ho Eskom le mmuso ba tsebe hore batho ba tshehetsa *Green New Eskom*. Re tshwanetse ho kenya maoto a bona mollong, mme re ba sututse. Batlisisa ka moo o ka iteanyang le bao ba etsang diqeto tsa lona ho: GreenNewEskom.org/contact



Hlophisa wekeshopo: Na o karolo ya mokgatlo kapa sehlopha sa baahi se batlang ho ithuta haholwanyane ka *Green New Eskom*? Re kopa hore o hlophise wekeshopo inthaneteng kapa ya motho le motho ka seqo – ha feela boemo ba COVID bo dumella hoo. Iteanye le rona ha o hloka tshehetso bakeng sa diwekeshopo.



Ho ipelaetsa kapa ho nka mohato: Dihlopha di amohelile hore di ka hlophisa boipelaetso ba tsona, tsa nka mehato, kapa mesebetsi ya bonono e tshehetsang *Green New Eskom*. Ho sa natswe hore na hoo ho lebisitse ho Eskom, mmuso, kapa ho nka mehato e lebisitsweng bathong, re kgothaletsa hore o be le seabo.



Na o sa le motjha ditabeng tsa ho hlophisa le tsa boitedi? O ka ithuta haholwanyane ka ho hlophisa diwekeshopo, ho ngolla mehodi ya ditaba, le ho hlophisa boipelaetso ho: trainings.350.org



Na o na le mehopollo e meng ya ka moo ho ka fihlelwang *Green New Eskom* kapa o batla ho iteanya le rona? Re romele molaetsa ka foromo ya ho iteanya le rona e fumanehang ho GreenNewEskom.org